

ZOMBA PILA PILA

U júche se facéve tra séje o otte uagliúne.

Se furmavene doje squadre e se terave u tucche pe vedè chi avève jì sottè.

‘A squadre che avève jì sottè èrene i “Cavalle” e quill’avete èrene i “Cavalire”.

A fíne d’a prima júcate se cagnavene.

Tutte i júcature d’a squadre di “Cavalle”, s’avévene mètte vúne arréte a n’avete, c’u bbúste chjecate annanze, c’a cape appujate o cúle e i vrazze strinde e fianghe d’u cumbagne annanze.

U prime “Cavalle”, mettève ‘a cape appujate ‘a trippe d’a “Mamme” (u cumbagne cchjù grusse di “cavalle” che stève appujate o mure cúme n’u pale, chi mane ngruciate sópe ‘a trippe pe frenà i colpe).

I “Cavalire”, vúne dope n’avete, pegghjavene u sbalanze e lucculanne “zombe pila pila e vúne”, “zombe pila pila e duje” e “zombe pila pila e ttrè”, zumpavene, rasènde rasènde, sope i spalle di “Cavalle” e cèrcavene d’arrevà cchjù vecíne a “Mamme” pe lassà spazeje a l’ati “Cavalire”.

Quanne tutt’i “Cavalire” avèvene zumbate, sbattèvene i mane pe fà vedè che nen se mandenèvene e nen tenèvene i pide pe ndèrre.

‘A squadra di “Cavalle” avève suppurtà u píseme e nissciúne avève sghenucchjà, sennò avève sta sottè n’ata vote e rumanèvene accussì fíne a quanne u cape nen deceve “vune, duje e ttrè”.